

KERATAN AKHBAR

TARIKH : 30 MEI 2023
AKHBAR : HARIAN METRO
MUKA SURAT : 26

Misi lonjak ekonomi digital

Kuala Lumpur

Kerajaan merancang menjadikan Kuala Lumpur sebagai hab syarikat pemula dan industri digital serantau dalam usaha melonjakkan lagi aktiviti ekonomi digital negara.

Menteri Ekonomi Rafizi Ramli berkata, ekonomi digital merupakan satu daripada tiga sektor strategik bernilai tinggi dan mampu merancakkan pelaburan serta menawarkan pekerjaan bergaji tinggi kepada rakyat yang diberi tumpuan oleh kementerian dalam penstrukturan semula ekonomi negara.

"Selain dari melonjakkan industri sedia ada seperti semikonduktor, perkilangan, minyak dan gas, komoditi ke peringkat rantaian nilai yang bernilai tinggi dengan fokus kepada proses penghiliran nilai tinggi, tiga sektor strategik yang diberi tumpuan oleh Kementerian Ekonomi adalah peralihan tenaga ke arah tenaga boleh baharu, ekonomi digital dan keterjaminan makanan," katanya dalam kenyataan, semalam.

Justeru, kementerian kini sedang bekerjasama dengan kementerian lain yang terlibat di dalam ekosistem ekonomi digital iaitu Kementerian Sains, Teknologi dan Inovasi; Kementerian Komunikasi dan Digital; dan Kementerian Pelaburan, Perdagangan dan Industri untuk merancakkan ekonomi digital negara.

Rafizi menjelaskan kerja-



sama itu perlu bagi menyelaraskan sistem sokongan awam yang dilaksanakan melalui pelbagai agensi ke arah pendekatan bersepadu untuk menambahbaik ekosistem digital yang lebih berkesan.

"Ini akan meningkatkan jumlah dan prestasi syarikat pemula, serta mempercepatkan peralihan sektor swasta kepada ekonomi digital," katanya.

Selain itu, beliau berkata, kerjasama dengan kementerian terlibat juga bertujuan

memulakan pembangunan konsep dan penyelarasan fungsi di antara agensi-agensi kerajaan ke arah pelaksanaan kerajaan digital yang menghasilkan produk-produk perkhidmatan awam berasaskan data dan digital secara bersepadu.

"Satu langkah utama untuk mencapai kedua-dua sasaran ini ialah mening-

katkan daya tarikan Kuala Lumpur sebagai pusat syarikat pemula dan industri digital serantau un-

"
la memerlukan
perubahan dasar
yang agresif
mencakupi
pelbagai bidang
Rafizi

tuk menarik pelaburan dan bakat digital ke negara ini. "la memerlukan perubahan dasar yang agresif yang mencakupi pelbagai bidang, termasuk penyatuan usaha agensi kerajaan, proses visa pekerjaan yang lebih

cepat dan terbuka, insentif digital yang lebih menarik dan penghasilan tenaga kerja dalam industri digital pada skala nasional," katanya.

Menurut Rafizi, semasa menghadiri Forum Ekonomi Qatar baru-baru ini, beliau turut berpeluang berbincang dengan Jack Selby yang merupakan kakitangan terawal PayPal bersama-sama kumpulan pengasas syarikat seperti Elon Musk, Peter Thiel dan Reid Hoffman.

"Kumpulan pengasas Pa-